



## Publicaziuns dalla vischnaunca, jamna 24

### Damondas da baghegiar

#### Nr. 2014-1025.000

**Datum dalla publicaziun: 13 da zercladur 2014**

**Il patrun:** Daniel Manetsch-Decurtins, Via da Scola 20, 7180 Disentis/Mustér

**Il representant:** Daniel Manetsch-Decurtins, Via da Scola 20, 7180 Disentis/Mustér

**Object:** Lavurs da contuorn (mir da sustegn), drenascha, procedura posteriura, parcella 2358, Caischavedra Dado, 7172 Cavardiras

#### Nr. 2014-1026.000

**Datum dalla publicaziun: 13 da zercladur 2014**

**Il patrun:** Judith e Simon Cathomen-Bearth, Via Luzzas 5, 7180 Disentis/Mustér

**Il representant:** Maissen architectura ed immobilias sa, Via Alpsu 8, 7180 Disentis/Mustér

**Object:** Construcziun d'ina casa d'ina famiglia, parcella 1620, Gassa da Cuoz 1, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 10 da zercladur 2014

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandontas lubientschas da baghegiar:

#### Nr. 2014-1019.000

Roc Durschei-Jacomet, Via Curtins 4, 7186 Segnas; sanaziun ed izolaziun dil tetg casa, parcella 16, Via Curtins 4, 7186 Segnas.

Disentis/Mustér, ils 10 da zercladur 2014

*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2014 – 2047.000

Carli Fry, Via Mühlbach 37, 8852 Altendorf; sanaziun dil mir da sustegn per liung dalla parcella 113, parcella 114, Via Iert 2, 7186 Segnas.

Encunter quellas decisiuns san ins protestar a scret enteifer 20 dis dapi la publicaziun alla supras-tonza communal.

Disentis/Mustér, ils 10 da zercladur 2014

*Uffeci da baghegiar Disentis/Mustér*



## Cussegl da vischnaunca

**Il cussegl da vischnaunca seraduna venderdis, ils 13 da zercladur 2014, allas 20.15 en casa communal.**

Tractandas:

1. Protocols nr. 11- e 12-2013/2016
2. Ovra Acletta: Project en detagl (messadi nr. 13-2013/2016)
3. Menaschi tecnic: Credit per la cumpra d'ina maschina (messadi nr. 14-2013/2016)
4. Postulat per in meglier access Claustra-Staziun-Salaplauna: Risposta (postulat nr. 1-2013/2016)
5. Collaboraziun da scola Sursassiala: Informaziun
6. Ura da damondas (conform ad art. 44 dil regulativ da fatschentas)

*Il president dil cussegl da vischnaunca*

---

## Serrada dalla via Pardomat

Igl uffeci cantunal da construcziun bassa dil Grischun realisescha la sanaziun generala dalla via da comunicaziun a Pardomat. Durent las lavurs da construcziun sto la via vegnir serrada per scadin traffic sil tschancun Punt Russein entochen Madernal e quei sco suonda:

### 2. Fasa

**Mardis, ils 10 da zercladur entochen venderdis, ils 19 da settember 2014, quei senza interrupziun.**

In'untgida ei pusseivla sin la via da comunicaziun, Mustér–Cavardiras–Pardomat. Per pedunzs e velocipedists ei in passadi adina garantius. Per damondas san ins contactar il responsabel dil uffeci da construcziun bassa dil cantun Grischun, Pius Cavegn, telefonin 079 334 74 14.

Bien engraziament per la capientscha.  
Disentis/Mustér, ils 2 da zercladur 2014

*Interpresa Beer SA ed  
uffeci da construcziun bassa dil Grischun  
Sigis Schmed/Pius Cavegn*

---

## Ovra Russein –di da viseta als plazzals da lavur

**Sonda, ils 14 da zercladur 2014 naven dallas 10.00 entochen allas 15.30.**

L'Ovra Russein SA presenta il project dall'ovra hidraulica Russein alla populaziun dallas duas vischnauncas da Mustér e Sumvitg ed envida vischinas e vischins davisitar ils suandonts plazzals da lavur:

–centrala Madernal, davosa viseta cun guida allas 13.30,  
–mir da fermada a Barcuns, davosa viseta cun guida allas 14.30.

Muort la serrada dalla via cantunala Punt–Russein /Madernal sto il traffic tier la centrala Madernal ir sur Sumvitg–Cumpadials–Falens–Pardomat entochen tierils parcadis gest suentar la punt da Pardomat. Navendalla centrala entchen si Barcuns sper il mir da fermada curseschan bus. Igl access cun auto privat silla via da Russein entochen a Barcuns ei scumandaus. Ina broschura cun ulteriuras informaziuns vegn tarmessa a mintga casa dallas duas vischnauncas.



### Administraziun communal

Sur Sontgilcrest ei l'administraziun communal serrada naven da **mesjamna, ils 18 da zercladur 2014**, allas 17.00 entochen **venderdis, ils 20 da zercladur 2014**, allas 9.00.

*Administraziun communal Disentis/Mustér*

---

### Fiera tessinesa da stad

Naven dils **2 da zercladur 2014** e mintgamai il gliendisdis duront ils meins da stad (zercladur, fenadur ed uost) ha liug a Mustér ina fiera tessinesa. Il plaz fiera vegn endrizzaus sil parcadi davos la casa communal sper Via da scola. La fiera ha liug mintgamai naven dallas 8.00 entochen allas 18.00.

*Administraziun communal*

---

### Onn da scola 2014/15

Preziai geniturs ed affons

Ils uraris da scola ed igl urari dils transports per il proxim onn da scola 2014/15 ein d'anflar naven d'immediat sin [www.scoladisentis.ch](http://www.scoladisentis.ch). Tochen la midada digl urari dil traffic public cala l'instrucziun suentermiezdi allas 16.10. Naven dils 14 da december 2014 cala l'instrucziun suentermiezdi allas 16.15.

En num dil cussegl da scola e dil cerchel scolastic engraziel a Vus per la buna collaboraziun duront igl onn da scola che va alla fin e giavischel a Vus tuts bialas vacanzas da stad.

*Kai Hinrichsen, meinascola*

---

### Casa da tgira Sursassiala

#### Inauguraziun festiva dalla nova casa da tgira a Mustér

**Sonda, ils 14 da zercladur 2014** allas 11.00.

Gia dapi ils 11 da fevrer 2014 han ils cussadents saviu prender dimora ella nova casa da tgira a Mustér. Ils 14 da zercladur ha l'inauguraziun liug. La festivatad en - tscheiva allas 11.00 silla piazza avon casa cul program suandont:

- Beneventaziun entras il president dalla Fundaziun Casa da tgira Sursassiala, Duri Huonder
- L'ovra ei reussida: In sguard anavos entras il president dalla cumissiun da baghegiar, dr. Dumeni Columberg
- Rapport dils architectes: keres Aschwanden, architecta responsabla
- Benedicziun dallas localitads entras msgr. avat Vigeli Monn

La festivatad vegn enramada da producziuns canticas dil Chor mischedau da Sedrun e dils affons dalla scola da Medel. Silsuenter vegn offeriu in refrestg cun ustria organisada dall'unium purila e dallas puras. Naven dallas 12.00 entochen las 15.30 ha la publicitad la pussevividad da prender investa dallas novas localitads.

*Casa da tgira Sursassiala*



### Apparats d'udida

**Gliendisdis, ils 23 da zercladur 2014** saveis Vus schar schubergiar e regular Vies apparat d'udida el Center da sanadad Sursassiala SA a Mustér, Via Cons 11, naven dallas 14.00–16.00. L'uniun Pro Audito Cuera, cun signur Arthur Jacomet fa quei survetsch per tuts interessents gratuitamein.

Cordiala invitaziun

*Center da sanadad Sursassiala SA*

---

### Fiasta da stad en Casa s. Martin

**Sonda, ils 21 da zercladur** envida la Casa s. Martin a Trun, parents ed enconuschents da nos cusadents, vischins e vischinas da lunsch e da manaivel, alla usitada fiasta da stad che ha liug denter las 11.00 e las 16.30.

Vossa viseta legras nus zun fetg, seigies beinvegni.

*Meinacasa e persunal*

---

### Oz en biblioteca!

#### Praulas e historias cun Mats, la miur

Has ti gust da vegnir cun tia mumma ni cun in'otra persuna d'accompignament en biblioteca e tedlar praulas ni historias?

Mats, la miur e nus dalla biblioteca raquintein a ti ina praula ord in cudisch da nossa valischa da surpras e quei mintga gada il *secund venderdis* dil meins dallas 14.30 entochen ca. allas 15.30.

Nus selegrein zun fetg sin tei ...

Tgisà, forsa anflein nus mintgatun aunc enzatgei auter che mo cudischs en nossa valischa da surpras!

Cun ils pli cars salids e sin seveser tochen gleiti.

*Mats, la miur ed il team dalla biblioteca populara Disentis/Mustér e contuorn*  
*Termins: 13 da zercladur 2014*